

Bassi gástta muitin

Rohkosbottu sáhtta ávvudit gástta jahkebeaivve. Dán materiála sáhtta heivehit maidái eará dilálašvuodain, main deattuhuvvo gástta mearkkašupmi.

Sártni manjá sáhtta cealkit aposttallaš oskkudovddastusa.

Rohkosbottu jođiha báhppa, searvegotti eará bargi dahje searvegotti lahttu.

1. Sálbma

Álggahansálbman sáhtta geavahit ovdamearkka dihte sálmma 35, 39 dahje 408. Sálmma sajis sáhtta leat eará musihkka.

2. Álggahus

Álgosivdnideapme

Buessivdnádusa lea vejolaš lohkat dahje lávlut.

B/O Áhči ja + Bártni ja Bassi Vuoiŋŋa nammi.

S Ámen.

B/O Min veahkki lea Hearrá,

S almmi ja eatnama sivdnideaddji.

DAHJE

B/O Hearrá lehkos dinguin.

S Nu son lehkos maidái du vuoiŋŋain.

Álggahansánit

Álggahansániid lea maidái vejolaš ráhkadit ieš.

B/O NN (gástabeaivvi ávvudeaddji namma), ráhkis ustibat! Gásttas Ipmil lea gohččon min nama mielde oapminis. Mii leat Kristusa máhttájeaddjit ja su searvegotti miellahtut. Mii giitit gástta attáldagas, muitit gástta mearkkašumi ja dorvvastit Ipmila lohpadusaide.

3. Biibbalsálbma

Sáhtta atnit maiddá girkojagi čuovvu dahje eará biibbalsálmmaid.

Biibbalsálmma sajis lea vejolaš lávlut sálmma.

Biibbalsálbmii laktojuvvo Uhca gudni. Dan sajis sáhtta atnit čuovvovaš sálmmaid vearssaid: 5:4, 66:3, 136:7, 218:7, 336:8, 340:8, 341:10, 348:6, 379:6. Uhca gudni guđđojuvvo eret 5. fástoáiggi sotnabeaivvi rájes.

Mun máinnun álo Hearrá,
mu njálbmi rávida su čadat.

Mu siellu addá gudni Hearrái,
vuollegaš olbmot gullet dan ja illudit.

Gudnejahttot Hearrá,
rávidehket ovttas su nama.

Mun ohcen Hearrá ja son vástidii munnje,
son besttii mu eret buot balus.

Sii geat gehččet su guvlui, báitet ilus,
eaige sin muodut goassege ruvsot heahpanemiin.

Sál 34: 2–6

DAHJE

Dat guhte čohkká Alimusa suojis
ja ássá Buotveagalačča suoivanis, dadjá ná:

”Hearrá lea mu báhtaranbáiki ja ladni,
mu Ipmil geasa dorvvastan.”

Soadjádolggiidiguin son gokčá du,
su soajáid vuolde don gávnnat suoji.

Su oskkáldasvuohta lea galba ja suodjalus.

Du báhtaranbáiki lea Hearrá,
don leat dahkan Alimusa orrunsadjinat.

Sál 91: 1–2, 4, 9

DAHJE

Rámidehket Hearrá, oppa eanan.

Bálvalehket Hearrá ilus,

bohtet su muoduid ovdii ávuin!

Dovdet ahte Hearrá lea Ipmil!

Son lea sivdnidan min, ja mii leat su,
su olbmot ja su sávzzat maid son geahččá.
Mannet su poarttaid čada giittoslávlagiin,
mannet su ovdašiljuide máidnunlávlagiin.
Giitet su ja máidnot su nama.

Dasgo Hearrá lea buorre,
su árbmugasvuohta bistá agálaš áigái,
su oskkáldasvuohta sogas sohki.

Sál 100

Uhca gudni

Gudni Áhččái ja Bárdnái
ja Bassi Vuignii,
nugo lei álggus, dál lea ja álo
agálašvuodas agálašvuhtii. Ámen.

4. Biibbalohkan

Lohkkojuvvo okta dahje moadde čuovvovaš čálabihtáin. Sáhtá atnit maiddá girkojagi čuovvu dahje eará čálabihtáid.

Lohkki almmuha čálasaji.

Jes 43: 1

Mark 10: 13–16

Sii gudde uhca mánážiid Jesusa lusa vai son guoskkahivččii daid, muhto máhttájeaddjit šiggo sin. Go Jesus oinnii dan, de moaráhuvai ja celkkii sidjiide: ”Diktet uhca mánážiid boahit mu lusa, alletge hehte sin! Dasgo Ipmila riika gullá dakkáraččaide. Duodaid, mun cealkkán didjiide: Dat guhte ii vuostáiváldde Ipmila riikka nugo uhca mánáš, ii eisege beasa dan sisa.” Ja son válddii sin sallasis, bijai giedaidis sin ala ja buressivdnidii sin.

Rom 6: 3–4

Ehpetgo dii dieđe ahte mii buohkat geat gásttašuvvuimet Kristusii Jesusii, gásttašuvvuimet su jápmimii? Mii nappo hávdáduvvuimet suinna go gásttašuvvuimet jápmimii, vai beasašeimmet eallit odđa eallima, nugo Áhči hearvásvuohta bajásčuoččáldahtii Kristusa jábmiid luhtte.

Gal 3: 26–27

Dii lehpet buohkat Ipmila mánát go oskubehitet Kristusii Jesusii. Buohkat dii geat lehpet gásttašuvvon Kristusii, lehpet gárvodan Kristusiin.

1 Biet 3: 20–21

Dušše soapmásat, namalassii gávccis, bestojuvvojedje árkkas, go čáhci guttii dan. Dát čáhci vástida gástta mii dál beastá din. Dat ii buhtis rupmaša olgguldas duolvvas, muhto lea buori oamedovddu lihttu Ipmiliin.

5. Vástáduš

Vástádussan sáhtá leat sálbma, biibbalsálbma, lávlla, čuojanasmusihkka dahje jaskes mediteren.

Mánnga deavstta logadettiin biiballohkan sáhtá vurohallat vástádušain.

6. Sárdni

*7. Oskkudovddastus

S Mun oskkun Ipmilii, Áhččái, Buotveagalažžii,
almmi ja eatnama Sivdnideaddjái,

ja Jesusii Kristusii,

Ipmila áidnoriegádan Bárdnái, min Hearrái,

guhte sahkanii Bassi Vuoiŋŋas,

riegádii nieida Márjjás,

gillái Pontius Pilatusa áigge,

russiinávlejuvvui, jámii ja hávdáduvvui,
manai vuolás jábmiid riikii,
bajásčuožžilii jábmiid luhtte goalmmát beaivve,
manai bajás albmái,
čohkká Ipmila, buotveagalaš Áhči, olgeš gieda bealde,
ja bohtá fas doppe dubmet calliid ja jábmiid,
ja Bassi Vuignii,
bassi oktasaš girku,
bassi olbmuid searvivuoda,
suttuid ándagassii addojumi,
oačči bajásčuožžileame
ja agálaš callima.

8. Sálbma

Sáhtá atnit ovdamearkka dihte čuovvovaš sálmmaid: 37:4, 39:7 dahje 457:3-4. Sálmma sajis sáhtá leat eará musihkka.

9. Rohkosoassi

Vuorrorohkos

Vuorrorohkosa sáhtá lohkat dahje lávlut.

B/O Leage rámiduvvon don, Hearrá, Ipmileamet!

S Du lea buot, mii lea almmis ja eatnan alde.

B/O Hearrá namma lehkos máidnojuvvon dálážis gitta agálaš áigái!

S Lehkos Hearrá namma máidnojuvvon.

Ovddasrohkos

Sáhtá atnit maidái iešráhkaduvvon rohkosa. Ávvuboddui oassálastit sáhttet ovtas ráhkadit ja ollašuhttit rohkosa.

B/O Rohkadallot.

1. Ipmil, mii giitit du gástta attáldagas, mainna don leat buressivdnidan NN eallima. Giitu, ahte don leat várjalan ja láiden su otná beavvi rádjai. Divtte min buohkaid muitit iežamet gástta. Don leat gohččon min mánnánat ja almmi árbbolažžan. Veahket min roahkka dovddastit iežamet du mánnán ja eallit gástta árpmus. Dán mii rohkadallat Bártnát Jesusa Kristusa bokte.
2. Ipmil, almmálaš Áhčči. Mii giitit du gástta attáldagas. Giitu, ahte don gásttas addet sudduid ándagassii, bestet bahá válldis ja rahpet midjiide geainnu eallimii. Giitu, ahte dájna lágiin don gohččot min Kristusa máhttájeaddjin ja searvegottát lahttun. Lasit mis luohtámuša ja dorvvu dutnje ja gástta árbmui. Morránahte Vuoiŋŋainat oskku ja ráhkisvuoda min siste. Atte midjiide roahkkatvuoda dovddastit iežamet kristtalažžan ja goallostit iežamet oskkuin gástta lohpadusaide. Láide min agálaš eallimii. Gula min Bártnát Jesusa Kristusa bokte.

S Ámen.

Áhččámet

Hearrá rohkos celkojuvvo ovttá jitnii.

S Áhččámet, don guhte leat almmis.
Basuhuvvos du namma.
Bohtos du riika.
Šaddos du dáhttu,
mo almmis nu maiddái eatnama alde.
Atte midjiide odne min beaivválaš láibbi.
Ja atte midjiide min sudduid ándagassii,
nugo miige ándagassii addit velggolaččaidasamet.
Alege doalvvo min geahččalussii,
muhto beastte min bahás eret.
Dasgo du lea riika ja fápmu ja gudni agálašvuhtii.
Ámen.

10. Buressivdnáduš

B/O Buressivdnidehkos min buotveagalaš ja árbmugas Ipmil,
Áhčči ja (+) Bárdni ja Bassi Vuoign̄a.

S Ámen.

DAHJE

B/O Hearrá buressivdnidivččii din ja várjalivččii din.

Hearrá čuvgešii muođuidis didjiide

ja livččii didjiide árbmugas.

Hearrá jorgalivččii muođuidis din beallái

ja attášii didjiide ráfi.

Áhčči ja + Bárdni ja Bassi Vuoign̄a nammi.

S Ámen.

11. Loahpahanmusihkka

Loahpahanmusihkkan sáhtá leat sálbma, lávlla dahje čuojanasmusihkka. Sáhtá atnit ovdamearkka dihte čuoovovaš sálmmaid: 44:2–3, 45, 406:4 dahje 407:5–6.